



შირაკი

SHIRAKI

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი

№20-21 (9.634-35)

7-14 ივნისი 2014 წელი

ფასი: 50 თეთრი

ყოველკვირეული გამოცემა

15 ივნისს აღბილობრივი თვითმმართველობის ორგანოების - საბრძოლოების არჩევნები



დედოფლისწყაროს მუნიციპალიტეტის საკრებულო ამჯერად 27 წევრით განისაზღვრება. 15 წევრი აირჩევა პროპორციული საარჩევნო სისტემის საფუძველზე, ხოლო 12 წევრი - მაჟორიტარული საარჩევნო სისტემის საფუძველზე.

დედოფლისწყაროს მუნიციპალიტეტის საკრებულოს უფლებამოსილება განისაზღვრება 4 წლის ვადით.

ქვირფასო ამომრჩევლებო, არჩევნების დღეს უნდა გააკეთოთ არჩევანი და აირჩიოთ საკრებულოს წევრები როგორც პროპორციული წესით, ისე მაჟორიტარული სისტემით, ასევე, თქვენ, საქართველოს ისტორიაში პირველად, ირჩევთ გამგებულსაც. ამისთვის თითოეული თქვენგანი მიიღებს სამ ბიულეტენს.

პროპორციული საარჩევნო ბიულეტენი ეწოდება ბიულეტენს, რომელშიც შეტანილია პარტიებისა და საარჩევნო ბლოკების მონაცემები. ამომრჩეველს უფლება აქვს, ხმა მისცეს მხოლოდ ერთ პარტიას. თუ ამომრჩეველი ხმას მისცემს ერთზე მეტ პარტიას, ბიულეტენი ბათილად ჩაითვლება.

მაჟორიტარული ბიულეტენი, რომელშიც შეტანილია მაჟორიტარული სისტემით ასარჩევი დეპუტატობის კანდიდატების მონაცემები. ბიულეტენის შევსებისას ამომრჩეველმა ყურადღება უნდა მიაქციოს იმას, რომ ერთი ხმა აქვს და ხმაც მხოლოდ ერთ კანდიდატს უნდა მისცეს.

წალს ამომრჩეველი კიდევ ერთ ბიულეტენს მიიღებს, სადაც მან სასურველი გამგებლობის კანდიდატი უნდა შემოხაზოს.

ქვირფასო ამომრჩეველებო, მიღით არჩევნებზე და დააზრდით თქვენი თქვენი არჩევანი! ეს თქვენი უფლებაცაა და მოხალაქეობრივი ვალდებულება!

წინასაარჩევნო გარემო დედოფლისწყაროში

ახალი მონვევის საკრებულოში სამი დეპუტატი მეტი მოხვდება. ახლახანს განხორციელებული ცვლილებების თანახმად, პროპორციული სით 12-ის ნაცვლად 15 მანდატი გაიკავა, მაჟორიტარული წესი კი უცვლელად რჩება. დედოფლისწყაროს ოლქიდან კვლავ 12 დეპუტატი შევა. სიახლეა ისიც, რომ საარჩევნო უბანზე მისულ ამომრჩეველს ფოტოსურათიანი ამომრჩეველთა სიები დახვდება, რაც კენჭისყრაში ერთიანი ადამიანის ორჯერ მონაწილეობას, ან სხვა ადამიანის ნაცვლად ხმის მიცემას გამორიცხავს. ამას გარდა, მხედველობის პრობლემის მქონე ადამიანებისთვის საარჩევნო კაბინაში გამაღიდელებელი ლუპა დაემატა.

რამდენად მზადაა საოლქო-საარჩევნო კომისია თვითმმართველობის არჩევნების ჩასატარებლად, შევიდა თუ არა რაიმე სახის საჩივრები, ამის შესახებ გაზეთი „შირაქი“ №14-ე დედოფლისწყაროს საოლქო-საარჩევნო კომისიის თავმჯდომარეს ესაუბრა:

დავით ბუჩუკური: „15 ივნისის თვითმმართველობის არჩევნების შედეგების დათვლის შემდეგ საერთო ჯამში, დედოფლისწყაროს საკრებულო 27 წევრით დაკომპლექტდება, ამჟამად კი 24 წევრია. ახლა დაამტკიცეს ცვლილებები და სამი მანდატი პროპორციულ სიას დაემატება. სიახლეა ისიც, რომ ბექტებზე ნაკვეთურის დატანის წესი ცესკო-ს მიერ გაუქმებულია და მინდა ყველამ იცოდეს, რომ ცვლილებების თანახმად არცერთ ბექტზე ნაკვეთური აღარ კეთდება.“

რაც შეეხება ჩვენს ოლქში ამომრჩეველ-

თა საერთო რაოდენობას - 23 052 ამომრჩეველია დედოფლისწყაროში რეგისტრირებული, შესაძლოა, სიების დაზუსტების შემდეგ უმნიშვნელო ცვლილებები კიდევ შევიდეს, თუმცა რიცხვი მნიშვნელოვნად აღარ შეიცვლება.

წელს დედოფლისწყაროს ოლქში მხოლოდ ექვსი პოლიტიკური პარტია დარეგისტრირდა. მოგეხსენებათ, რადგან ახლა თვითმმართველობის არჩევნებია პოლიტიკური სუბიექტები კონკრეტულ ოლქში უნდა დარეგისტრირდნენ, რადგან, შესაძლოა ამა თუ იმ ოლქში პარტიას არ სურდეს მონაწილეობის მიღება, ან არ ჰყავდეს რაიონში საკუთარი ორგანიზაცია და წარმომადგენელი. ამჯერად რეგისტრაციის ვაგვატარეთ:

- №1 - გლოქი „არასაპარლამენტო ოპოზიციის (პასა კუპაპა, ფიქრია ჩინრაძე)
- №3 - ნინო ბურჯანაძე - ერთიანი ოპოზიციის
- №5 - გლოქი „ერთიანი ნაციონალური მოძრაობა“
- №9 - გლოქი „თვითმმართველობა ხალხს“
- №20 - ვალვა ნათელაშვილი - ლეიბორისტული პარტია
- №41 გლოქი „ქართული ოცნება“.

საინიციატივო ჯგუფის სახელით დარეგისტრირების თხოვნით მხოლოდ ორ ოლქში მოგვმართეს, ესენია სოფელ არბოშიკისა და ქვემო ქედის ოლქები. ბიულეტენში ორივე მათგანის ნომერი იქნება - 42. სო-

ფელ არბოშიკის ოლქში მაჟორიტარი დეპუტატობის დამოუკიდებელ კანდიდატად წარდგენილია ბიორბი სანიაშვილი. მისი წარმდგენი საინიციატივო ჯგუფის წევრები არიან: ყულვერი ალადაშვილი, თამარ ბაცაცაშვილი, გიორგი ჩომახაშვილი, პაატა ნატროშვილი, შოთა ბატიაშვილი, რამინ მაჩაბლიშვილი;

რაც შეეხება სოფელ ქვემო ქედში წარდგენილ დამოუკიდებელ კანდიდატს, ეს გახლავთ ანთონილ სანიაშვილი. ქვემო ქედის საინიციატივო ჯგუფის წევრები არიან: ზაურ ჩიტაური, ნიკო ნიკლაური, ხეთისო ბუჭური, გიორგი აფციაური, ეთერ ბუჭური;

გამგებლობის კანდიდატად მხოლოდ სამი სუბიექტი დარეგისტრირდა: გულა ბაბალიშვილი - არასაპარლამენტო ოპოზიციიდან; ეზურ ჯანაშვილი - ნაციონალური მოძრაობიდან და ნიკოლოზ ჯანაშვილი - კოალიცია „ქართული ოცნებიდან“. დანარჩენ პარტიებს დედოფლისწყაროს გამგებლობის კანდიდატი არ ეყოლებათ.

ზოგადად, როგორც ჩანს, საარჩევნო გარემო დედოფლისწყაროში ძალიან მშვიდაა და დაძაბულობა არ შეინიშნება. საოლქო კომისიაში ამ დრომდე არცერთი საჩივარი არ შემოსულა.“

გაზეთი დასაბუთდად მზად იყო, როდესაც გავრცელდა ინფორმაცია სამი კანდიდატის მიერ კანდიდატურის მოხსნის თაობაზე.

დედოფლისწყაროში „ბურჯანაძე — ერთიანი ოპოზიციიდან“ და „ნაციონალური მოძრაობიდან“ წარდგენილმა სამმა კანდი-

დატმა საკუთარი კანდიდატურა მოხსნა.

„შირაქი“-ს ინფორმაციით ერთიანი ოპოზიციიდან კანდიდატურა მოხსნეს სოფელ არხლოსკალოს მაჟორიტარმა კანდიდატმა ვახტანგ მესაბლიშვილმა და სიის მეორე ნომერმა მია ბენაშვილმა. ასევე, „ნაციონალური მოძრაობიდან“ სოფელ არბოშიკის მაჟორიტარობის კანდიდატმა ლევან ბალაშვილმა.

როგორც „ბურჯანაძე — ერთიანი ოპოზიციის“ დედოფლისწყაროს ორგანიზაციის ხელმძღვანელმა შოთა ჯამასპიშვილმა „შირაქი“-ს განუცხადა, მათი პროპორციული სიის ერთ-ერთი წევრის მია ბენაშვილის მიერ კანდიდატურის მოხსნის შესახებ ინფორმირებული იყო. მან ქვეყანა დატოვა და საზღვარი რამდენიმე დღის წინ გადაკვეთა, თუმცა, სოფელ არხლოსკალოს მაჟორიტარი კანდიდატის გადაწყვეტილება მისთვის უცნობი იყო.

„ნაციონალური მოძრაობის“ დედოფლისწყაროს ორგანიზაციაში განმარტავენ, რომ არბოშიკი ლევან ბალაშვილმა „ქართული ოცნების“ წარმომადგენელთა ზენოლის შედეგად მოხსნა. „ქართული ოცნების“ წევრები კი ზენოლას უარყოფენ და ამბობენ, რომ მათი და „ნაციონალური მოძრაობის“ ყოფილი კანდიდატი მოგვარეები და ახლობლები არიან, რის გამოც ერთმანეთთან დამირისპირება არ სურდათ.

შეგახსენებთ, მაჟორიტარობის და გამგებლობის კანდიდატებისთვის კანდიდატურის მოხსნისა და არჩევნებში მონაწილეობაზე უარის თქმის ვადა 5 ივნისს, 18:00 საათზე ამოიწურა

ილია მარტყოფილი

ვალვა - უნარგულადუღას

გვ. 3

ეურადღება!

საქართველოს საარჩევნო კოდექსის მუხლი 50. 2-4-ით განსაზღვრული მოთხოვნების შესაბამისად, წინასაარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისთვის. 15 ივნისამდე გაზეთი „შირაქი“ ყოველკვირეულად, თითოეულ ნომერში ადგილობრივი თვითმმართველობის არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

ერთი დღე ბანის საფაროვი

გვ. 4

ბავშვობის გზაგასაყართან

გვ. 5

ეტლები-უნარები-ლუღუღებს

საქველმოქმედო ორგანიზაცია „საქართველოს ქალები მშვიდობისა და სიცოცხლისათვის“ წარმომადგენლებმა ამერიკული მხარის დაფინანსებით დედოფლისწყაროსა და მის სოფლებში მცხოვრებ უნარ-შეზღუდულ მოქალაქეებს საჩუქრად ეტლები გადასცეს. პროცესს დონორი ორგანიზაციის საქართველოს ჰუმანიტარული სამსახურის წარმომადგენლები ედმონდ და პამელა დოშები ესწრებოდნენ, რომლებიც ოჯახებს ეწვივნენ და უნარ-შეზღუდული მოქალაქეები პირადად ანუგეშეს. ისინი სოფელ მირზაანში, სამრეკლოსა და ზემო მარხაანშიც იმყოფებოდნენ.

საქველმოქმედო ორგანიზაციის ხელმძღვანელი მაია კვეზერელი-კობახიძე გაზეთ „შირატან“ აცხადებს, რომ აქცია არჩევნებს არ უკავშირდება და მათი ინიციატივით დედოფლისწყაროში ეტლები გასულ წლებშიც არაერთხელ შემოვიდა.

„ერთერთი პროექტი, რომელიც 2010 წლიდან ყოველწლიურად ვახორციელებთ ეტლების დარიგებას მთელს საქართველოს ვართ მოდებული. რაც შეეხება დედოფლისწყაროს ხშირი ურთიერთობა გვაქვს. ხშირად ჩამოვდივართ არა მარტო ეტლების დარიგებით, არამედ სხვა ტიპის აქციებითაც. მაგალითად ექიმთა ბრიგადები ჩამოგვყავს, მედიკამენტებით ვეხმარებით და ასე შემდეგ. ამჯერადაც, ერთი ტიპის ეტლები ჩამოვიტანეთ და სხვა

კატეგორიის ეტლები გზაში იგნისის ბოლომდე ჩამოვიტანთ. ჩვენი ამერიკელი მეგობრების დაფინანსებით ვცდილობთ სხვადასხვა საქველმოქმედო ღონისძიებები განვახორციელოთ. ჰუმანიტარული მისიით ამერიკის შეერთებული შტატებიდან წვეილი ჩამოვდით და ქველმოქმედებას ეწვევით. ამჯერადაც ცოლ-ქმარი დოშები ცხოვრობენ თბილისში, მათ შვიდი შვილი ჰყავთ და თითოეული წვეილი წელიწადნახევრით ჩამოვდით საქართველოში. ერთობლივი ძალებით ვცდილობთ კეთილი საქმე ვაკეთოთ. ქალბატონ ხათუნა აგლაძესთან და ვანო ნატროშვილთან ინტენსიური ურთიერთობა გვაქვს, მათი წყალობით დეტალურად ვფლობთ ინფორმაციას, დედოფლისწყაროში ვინ და რა კატეგორიის ეტლებს თუ დახმარებას საჭიროებს ჩვენთან და ჩვენც შეძლებისდაგვარად ვცდილობთ მხარში ამოვუდგეთ დედოფლისწყაროელებს. ხშირი კომუნიკაცია გვაძლევს საშუალებას, ზუსტი და განახლებული ინფორმაცია გვქონდეს დედოფლისწყაროდან,“ - აღნიშნავს მაია კვეზერელი-კობახიძე.

ყველა იმ ადამიანის ისტორია, ვინც ამ დახმარებით ისარგებლა რთული მოსასმენი და გულისამაჩუყებელი იყო. ზოგი ავტოავარიის შედეგად ვეღარ გადაადგილდება, ზოგიერთ პაციენტს დენმა დაარტყა, ზოგს ფეხის ამპუტაცია ჩაუტარდა, ზოგს კი ინსულტი და სხვადასხვა პრობლემა ჰქონდა. ყველა მათგანი ეტლის უქონლობაზე საუბრობდა და მიზეზად ერთ-

თიდაგივე გარემოებას ასახელებდა, მაღალი ფასის გამო დამოუკიდებლად მის შეძენას ვერ ახერხებდნენ, ზოგიერთი მათგანი კი ნათხოვარი ეტლით სარგებლობდა, თუმცა ისიც საკმაოდ ამორტიზებული და თითქმის გამოუსადეგარი იყო.

„ახლახან 44 წლის ქალიშვილი სიმსივნით დაეღუპა, ნერვიულობაზე ინსულტი მიიღო. ამას გარდა, დიაბეტი აწუხებს, რამდენიმე თვის წინ განგრენა დაემართა, ფეხის ამპუტაცია დასჭირდა და გადაადგილებასაც ვერ ახერხებს. არადა, კორპუსში ცხოვრობს და მისი ყოველდღიურობა ძალიან გართულდა. მეუღლე კარგად უფლოს, მაგრამ რადგან ეტლი არ ჰქონდათ, მოძრაობა უჭირდა, გარეთ საერთოდ ვეღარ გამოდის. მთელი კორპუსის მეზობლები გახარებულნი ვართ, რომ ასე დაეხმარნენ და მაღლიანი საქმე გააკეთეს, ეს მისთვის ბევრს ნიშნავს, რადგან გარეთ გამოსვლას და ჰაერის ჩაყლაპვას მოახერხებს,“ - აღნიშნავენ ჩვენთან საუბრისას ქალაქ დედოფლისწყაროში მცხოვრები ერთ-ერთი უნარ-შეზღუდული ქალბატონის მეზობლები.

მათივე მტკიცებით, იგნისის თემში დედოფლისწყაროში ეტლების კიდევ ერთი პარტია შემოვა, რომელიც იმ კატეგორიის პაციენტებისთვისაა განკუთვნილი, რომელიც ეტლს დამოუკიდებლად ვერ მართავენ.

ეტლების გადაცემის შემდეგ ამერიკელმა სტუმრებმა სოფელ მირზაანში მდებარე



ქრისტიანული ტაძრები და ნიკო ფიროსმანის სახლ-მუზეუმი დაათვალიერეს და თვითნასწავლი ქართველი მხატვრის ცხოვრების დეტალებს გაეცნენ.

ბიც მათი დახმარებით ამერიკიდან გადაადგილებას შეძლებენ. მათი თქმით, განსაკუთრებულად მოსწონთ საქართველო და ქართული სტუმარმასპინძლობა. სწორედ ამიტომ, პაციენტებთან ურთიერთობაშიც ზოგჯერ ქართულ სიტყვებს იყენებდნენ.

ილია მარტყოფილი

ექიმები ქველმოქმედებისთვის

კიდევ ერთი მნიშვნელოვანი დღე, მნიშვნელოვანი აქცია მოეწყო დედოფლისწყაროში. 1 ივნისს, ბავშვთა დაცვის საერთაშორისო დღეს, დედოფლისწყაროს პოლიკლინიკაში ორგანიზაცია „ქართული ოცნება ჯანმრთელი მომავლის“ ინიციატივით თბილისის სახელმწიფო სამედიცინო უნივერსიტეტისა და გივი ყვანისას სახელობის პედიატრიული კლინიკის ექიმები ჩამოვიდნენ. მათ 1-დან 16 წლამდე ასაკის 200-მდე დედოფლისწყაროელი ბავშვი უფასოდ გასინჯეს. სხვადასხვა კაბინეტებში სხვადასხვა სპეციალისტის ექიმები: ოფთალმოლოგები, დერმატოლოგები, პედი-

ატრები, ნევროპათოლოგები, ქირურგები, ყელ-ყურის ექიმები მალალი პროფესიონალიზმით გამოირჩეოდნენ და გულისხმიერად ემსახურებოდნენ პატარა პაციენტებს.

„აღნიშნული ღონისძიება გახლავთ რიგით 27-ე აქცია, რომელსაც ჩვენი ორგანიზაცია „ქართული ოცნება ჯანმრთელი მომავალი“ ყვანისას კლინიკის პროფესორ ექიმებთან ერთად ახორციელებს, ჩვენ მოვიარეთ თითქმის მთელი საქართველოს რეგიონები და დედოფლისწყაროს ხელმძღვანელობის კეთილი ნებისა და ხელშეწყობის წყალობით ამ რაიონშიც მოვხვდით. მოხარული ვართ, რომ ბავშვთა დაცვის

დღეს ასე ლამაზად აღვნიშნავთ და ჩვენი წვლილი შეგვაქვს ჯანმრთელი მომავალი თაობის აღზრდაში. დიდიდან პაციენტთა დიდი აქტივობა შეინიშნება, ჩვენ გავსინჯავთ 200 ბავშვს და მასზე მეტსაც, იმდენს, რამდენიც მოთხოვნა იქნება და რამდენსაც დღის ბოლომდე მოვასწრებთ.“ - აცხადებს ორგანიზაცია „ქართული ოცნება ჯანმრთელი მომავლის“ პრეზიდენტი ქეთევან ბარათელი.

სტუმრებს ადგილზე მასპინძლობას უწევდა დედოფლისწყაროს მუნიციპალიტეტის გამგებლის მოვალეობის შემსრულებელი სოლომონ ღორაშვილი და საავადმყოფო-პოლიკლინიკური გაერთიანების დირექტორის მოადგილე ივანე ნატროშვილი. მსობლები კმაყოფილებას და მადლიერებას გამოხატავენ როგორც ექიმების, ასევე ხელმძღვანელების მიმართ, ამ აქციის განხორციელებისთვის.

„ორი შვილის დედა ვარ, აქციის შესახებ ახლო ბელმა ექიმმა შემატყობინა და



მაშინვე წამოვიყვანე ბავშვები, ჯანმრთელობის კუთხით მნიშვნელოვანს და საგანგაშოს არაფერს ვუჩივით, თუმცა როდესაც ასეთი მაღალი პროფესიის მედიკოსები, რაიონში გვეწვივენ, მაინც ვეცადე, რომ კონსულტაციაზე გამეტარებინა ისინი, ძირითადად პედიატრთან ვიზიტი და გვეჭირდა. კმაყოფილი დავარჩი, კარგი რჩევები და ზუსტი დანიშნულება მივიღეთ.“ - ამბობს მარიამ ჯანყარაშვილის მშობელი.

მაშინვე წამოვიყვანე ბავშვები, ჯანმრთელობის კუთხით მნიშვნელოვანს და საგანგაშოს არაფერს ვუჩივით, თუმცა როდესაც ასეთი მაღალი პროფესიის მედიკოსები, რაიონში გვეწვივენ, მაინც ვეცადე, რომ კონსულტაციაზე გამეტარებინა ისინი, ძირითადად პედიატრთან ვიზიტი და გვეჭირდა. კმაყოფილი დავარჩი, კარგი რჩევები და ზუსტი დანიშნულება მივიღეთ.“ - ამბობს მარიამ ჯანყარაშვილის მშობელი.

„ჩემს გოგონას მხედველობის პრობლემა აქვს, ბავშვი სათვალეს ხმარობს, ამიტომ სასწრაფოდ მოვიყვანე და გავასინჯე ექიმებს, გამიხარდა, რომ ოფთალმოლოგიც გახლდათ ჩამოსული, გასინჯეს და

ლალი მხერიშვილი



სპექტაკლი მუსიკის ბგერების თანხლებით



2 ივნისს ხელოვნების სკოლაში ბავშვთა დაცვის დღისადმი მიძღვნილი სპექტაკლი „მუსიკის ძალა“ დაიდგა. სცენარის ავტორი გახლდათ ხელოვნების სკოლის დირექტორი მარიამ კვიციანი. იდეა ძირითადად მოტივირებული იყო ბავშვების მუსიკით მეტად დაინტერესებასა და მათ მოზიდვაზე, ხოლო შინაარსი მდგომარეობდა შემდეგში: შორს „ვარსკვლავებში“ ერთი „ზესთასოფელი“ არსებობდა, სადაც „ვარსკვლავთბიჭუნები“ და „ვარსკვლავთგოგონები“ ცხოვრობდნენ. ისინი ყველანი მღეროდნენ და უკრავდნენ. ერთხელ, როცა „დიდება ფერია ლირას“ დაბადების საუკუნეს ულოცავდნენ, „ვარსკვლავთბიჭუნებმა“ და „ვარსკვლავთგოგონებმა“ დედამინაზე წასვლა და იქაური მუსიკის მოსმენა გადაწყვიტეს. დედამინაზე კი მათ უბედურება დაატყდათ. „ვარსკვლავთბიჭუნა ტაისის“ ბოროტმა ფერიებმა საშინელი მუსიკით გული გაუქვავეს და დედამინაზე დატოვეს. ის ჯადოსნური მუსიკა, რომელიც იყო ძალა ადამიანის გაქვავებული გულის გაღვინებას, აღმოჩნდა ძველი ქართული

პიში „მზე შინა“. ტაისის ქვადქვეული გული „კავკასიის მთებში მცხოვრებმა მოხუცმა მუსიკოსმა“ გააღლო და ბიჭუნა „ვარსკვლავეთს“ დაუბრუნა. ზღაპარი კი დამთავრდა ისე, როგორც ყველა ზღაპარი მთავრდება, სიკეთემ კიდევ ერთხელ დაამარცხა ბოროტება.

სპექტაკლში მონაწილეობდნენ ხელოვნების სკოლის მოსწავლეები მეორედან დან მეექვსე კლასის ჩათვლით. ისინი თავიანთ მხატვრულ სახეს მუსიკის საშუალებით გადმოსცემდნენ. შესაბამისი დიქციით მოგვითხრობდა ზღაპარს მარიამ ბზუკაშვილი. შესანიშნავი მხატვრული სახეები შექმნეს მოსწავლეებმა: „ფერია ლირა“- მარიამ ლაპიაშვილმა, „ვარსკვლავთბიჭუნა ტაისი“- აბრამ ახალაურმა, „ვარსკვლავთგოგონები“- ლიკა ბახუტაშვილმა, მარიამ ხარაზიშვილმა, ქეთი გვიშვილმა, ანასტასია ყორიაშვილმა. მათი „დედამინელი მასპინძლები“ გახლდნენ ნიკა მესროფიანი, ლუკა მამამთავრიშვილი, ნინო სულაშვილი, მალვინა ისმაილოვა და მაია ბიკაშვილი. ძალიან შთაბეჭდილებას იწვევდა იყო ნარმოდგენილი ბოროტი ფერიების სცენები ლიკა გოგილაშვილის, სალომე სიმონიძის და ნინო ფიროსმანაშვილის შესრულებით.

აღსანიშნავია, რომ ბავშვები ამ მხატვრულ სახეებს უპირველესად როიალთან, მუსიკის გზით ქმნიდნენ.

ზღაპარი დასრულდა ძველი ქართული „მზის საგალობლით“, რომელიც სპე-

ქტაკლისთვის გადაამუშავა მარიამ კვიციანი და ჯადოსნური მუსიკის ფუნქცია მიანიჭა.

ზღაპრის ფინალში მონაწილეობდა მოსწავლეთა გუნდი მარიკა პირზადოვას ხელმძღვანელობით.

სპექტაკლმა იმდენად თბილი, ამაღლებელი განწყობა დაუტოვა დარბაზში მსხდომთ, რომ იქვე გაჩნდა სურვილი, ასეთი სანახაობრივი და ამავდროულად, სასიამოვნოდ მოსასმენი სპექტაკლი, რომელიც პრაქტიკულად სიახლე იყო ხელოვნების სკოლის ისტორიაში, მომავალში უფრო დიდ დარბაზში, ფართო აუდიტორიის წინაშე წარსდგეს, უფრო მეტ მოსწავლეს მიეცეს მისი მოსმენის საშუალება, რაც მათ დაეხმარება მუსიკალური ცნობიერების ამაღლებასა და „მუსიკის ძალის“ შე-

გრძნობაში.

ლონისძიებს ესწრებოდნენ გამგეობის განათლების, კულტურის, სპორტისა და ახალგაზრდულ საქმეთა სამსახურის უფროსი თამარ თამაზაშვილი, საალმზრდელი ცენტრის ნარმოდგენლები, სხვადასხვა სკოლების მოსწავლეები, პედაგოგები და სხვა მონვეული სტუმრები. დასასრულს თამარ თამაზაშვილმა მადლობა გადაუხადა ხელოვნების სკოლის მოსწავლეებს და მათ პედაგოგს მარიამ კვიციანს და ნარმოდგენისთვის, მოსწავლეებთან თავდაუზოგავი მუშაობისთვის და სკოლას კიდევ მრავალი მხატვრული სახის შექმნა უსურვა მუსიკალური ბგერების თანხლებით.

ელზა ხარაზიშვილი



ერთი დღე ბავშვის სამყაროში

30 მაისს ხელოვნების სკოლაში „ი. ს. ბახის ცხოვრებისა და შემოქმედებისადმი“ მიძღვნილი საღამო გაიმართა. იდეის ავტორი გახლდათ ხელოვნების სკოლის ღვაწლმოსილი პედაგოგი ლია ხაჩიაშვილი, მას ამ ღონისძიების ორგანიზებასა და ნაწარმოებების ხარისხის მიხედვით შერჩევამი ეხმარებოდნენ ხელოვნების სკოლის დირექტორი მარიამ კვიციანი და მეთოდისტი თამილა ნადირაშვილი.

ლონისძიებს მთლიანად შემოიფარგლა ბახის ცხოვრების ბიოგრაფიული ცნობებით დაბადებიდან გარდაცვალებამდე და მისი შემოქმედებითი მოღვაწეობით.

ლონისძიება მიჰყავდათ და მუსიკალურ-მხატვრულად აფორმებდნენ მუს.ლიტერატურისა და საფორტეპიანო-სავიოლინო განყოფილების მე-5, მე-6 კლასის მოსწავლეები: ნათია თავაძე, მალვინა ისმაილოვა, ანასტასია ყორიაშვილი, მარიამ ბზუკაშვილი, მადინა ლანიშაშვილი, ნათია პაპუაშვილი, თამთა ფეიქრიშვილი, ლიკა ბახუტაშვილი, თამთა ლორაკუდაშვილი, სალომე სიმონიძე და მარიამ ხიზანიშვილი.

დასასრულს, ხელოვნების სკოლის დირექტორმა მარიამ კვიციანი მადლობა გადაუხადა პედაგოგ ლია ხაჩიაშვილს და მის მოსწავლეებს ბახის ცხოვრებისა და შემოქმედების ასე საინტერესოდ და შთაბეჭდილებად წარმოდგენისთვის.

ელზა ხარაზიშვილი



მეტი შთაბეჭდილების მოსახდენად, სლაიდ-შოუს მეშვეობით ილუსტრირებული იყო მასალები ბახის ცხოვრებისა და მოღვაწეობის შესახებ, მოსმინეს მუსიკოსის გენიალური საორღანო, საგუნდო, საორკესტრო ნაწარმოებები.

საფორტეპიანო ნიმუშები დაუკრეს მოსწავლეებმა: ქეთი გვიშვილი (მე-2 კლ.), ანა ჩუთლაშვილი (მე-3 კლ.), ლიანა გიგოლაშვილი (მე-4 კლ.), ნინო სულაშვილი (მე-6 კლ.), ხოლო სკოლის მოსწავლეთა ანსამბლმა (პედაგოგი მარიკა პირზადოვა, კონცერტმეისტერი ნინო სვანიძე) შეასრულა ბახის „გუდასტვირი“.

ამ რეგიონებში პროექტი დაეხმარება საქართველოს მთავრობას ნარჩენების მართვის ინტეგრირებული სისტემის შემუშავებაში. შერჩეულ მუნიციპალიტეტებში განხორციელდება პილოტური ღონისძიებები (პროექტები) ადამიანის ჯანმრთელობისა და გარემოზე ნარჩენების მავნე ზემოქმედებისა და ნაგავსაყურეებიდან სათბური აირების შესამცირებლად.

პროექტში ჩართული იქნებიან მოსწავლეები, მათთვის მოეწყობა ეკო-ბანაკები და კონკურსები.

ელზა ხარაზიშვილი

ახალი ინიციატივები და ახალი გამოწვევები

ბოლო 22 წლის განმავლობაში ამერიკელმა ხალხმა უშAID-ის მეშვეობით, 1,5 მილიარდ დოლარზე მეტი ოდენობის დახმარება გაუწია საქართველოს. უშAID-ის პროექტები მიზნად ისახავს დახმარების განწევას საქართველოსთვის თავისუფალი და ძლიერი დემოკრატიის მშენებლობის პროცესში და მოიცავს ინიციატივებს, რომლებიც მიმართულია ეკონომიკური განვითარების დაჩქარებაზე, დემოკრატიული ინსტიტუტების განვითარებასა და ჯანდაცვისა და განათლების სისტემების გაუმჯობესებაზე. უშAID უწევს ეკონომიკურ და ჰუმანიტარულ დახმარებას 100-ზე მეტ ქვეყანას. მათ შორისაა საქართველო, სადაც უამრავი მნიშვნელოვანი პროექტი განხორციელდა.

ლი ინიციატივა- „ნარჩენების მართვის ტექნოლოგიები რეგიონებში“, რომელსაც ფინანსურ მხარდაჭერას უწევს კვლავ აშშ-ს საერთაშორისო განვითარების სააგენტო (უშAID) და ახორციელებს ინტერნაციონალ ჩიტყ/ჩოუნტრე მანაგემენტ ასოციაციონ, ჩENN-თან ერთად, რომელიც ინიციატივის ქვეკონტრაქტორი ორგანიზაციაა.

4 ივნისს ქალაქ თელავში, დემოკრატიული ჩართულობის ცენტრში მოეწყო პროექტის პრეზენტაცია და მრგვალი მაგიდა, დაინტერესებული მხარეების მონაწილეობით.

შეხვედრა გახსნა პროექტის ხელმძღვანელის მოადგილემ ნინო შავგულიძემ, ხოლო პროექტის პრეზენტაცია-მიზნები, კომპონენტები, დაგეგმილი საქმიანობები- ნარმოად-

გინა პროექტის ხელმძღვანელმა რობერტ ბოდომ.

სათბური აირების შემცირება, ნარჩენების ხელახლა გამოყენება, გადამამუშავება-ალდგენის კონცეფცია და ნარჩენების ინტეგრირებული მართვა - ამ პრაქტიკის გამოწვევებსა და შესაძლებლობებზე ისაუბრა პროექტის 2 კომპონენტის ლიდერმა კახა რუხიაძემ.

შეხვედრის ორგანიზება უზრუნველყვეს ქვეკონტრაქტორი ორგანიზაციის ჩENN-ის ნარმოდგენლებმა ნინო თევზაძემ (სენის პროექტების მენეჯერი) და კახა სუხიტაშვილმა (რეგიონული კოორდინატორი).

ინიციატივა- „ნარჩენების მართვის ტექნოლოგიები რეგიონებში“ (ჭMთლ) ხელს შეუწყობს შესაბამის ცენტრალურ

შეხვედრას ესწრებოდნენ და დიალოგში მონაწილეობდნენ კახეთის რეგიონის, მუნიციპალიტეტის გამგეობების, დასაუფთავების სამსახურების, რესურს-ცენტრების, ადგილობრივი სათემო და არასამთავრობო ორგანიზაციების ნარმოდგენლები, სხვა დაინტერესებული პირები.

დედოფლისწყაროდან დიალოგში მონაწილეობდნენ შპს „სერვისი-2007“-ის დირექტორი ელიზბარ ალუღიშვილი, საგანმანათლებლო რესურს-ცენტრის უფროსის მოვალეობის შემსრულებელი მარინა ქადაგიძე და მუნიციპალიტეტის გამგეობის მთ. სპეციალისტის მოვალეობის შემსრულებელი საერთაშორისო ფონდებთან და არასამთავრობო ორგანიზაციებთან ურთიერთობის საკითხებში ანა ბენაშვილი.

ხალხური მუსიკის მაღლი

ათი წელია, რაც დედოფლისწყაროში ფოლკლორული ანსამბლი „ქიზიყი“ შეიქმნა დალი ელისაშვილის ხელმძღვანელობით. თავდაპირველად მომღერალთა გუნდი ბიჭუნებისგან შედგებოდა. მათი გაურანდავი ხმები დიდი ძალისხმევითა და თავდაუზოგავი შრომის შედეგად დალი მასწავლებელმა ისე დაამუშავა, რომ მათი მოსმენის შემდეგ გენიალურმა ქართველმა ლოტბარმა ანზორ ერქომაიშვილმა თქვა: „მათ დიდი მომავალი აქვთ“. ეს 2004 წელს იყო. ოთხი წლის შემდეგ გოგონათა ფოლკლორული ანსამბლი „მანდილიც“ ჩამოყალიბდა და ისინიც ეზიარნენ ქვემარტი ქართული ხალხური მუსიკის მადლს.

3 ივნისს ანსამბლ „ქიზიყის“ საიუბილეო კონცერტი გაიმართა ხელოვნების სკოლის სააქტო დარბაზში. დამსწრე საზოგადოებამ კიდევ ერთხელ დიდი სიამოვნება მიიღო ანსამბლების „ქიზიყისა“ და „მანდილის“ მიერ შესრულებული ქართული ფოლკლორის ნიმუშებით. ეს კონცერტი ათწლიანი მუშაობის ერთგვარი შეჯამებაც იყო. „მე მასხენდება ის დრო, როცა პირველად დაიწყო დალი მასწავლებელმა მოღვაწეობა. მაშინ გაუბედავად დაიწყო პატარებმა სიმღერა, დღეს კი უკვე ჩამოყალიბებული მომღერლები არიან. ამაში დიდი წვლილი მიუძღვის დალი

საქართველო უძველესი მუსიკალური კულტურის ქვეყანაა. 1977 წელს ამერიკული კოსმოსური ხომალდით „ვოიაჯერი“ კოსმოსში გაიგზავნა ქართული ხალხური მრავალხმიანობის უბადლო ნიმუში - „ჩაკრულო“. კომპოზიტორ იგორ სტრავინსკის აზრით: „საქართველოში მიკვლეულ ცოცხალ სამემორულებლო ტრადიციას უდიდესი წვლილი შეაქვს მუსიკალურ მეცნიერებაში. ეს წვლილი ახალი მუსიკის ყველა აღმოჩენაზე უფრო მნიშვნელოვანია. უბადლოა იოდლი, რომელსაც საქართველოში კრიმანჭულს ეძახიან. უკეთესი არაფერი მსმენია...“ 2001 წელს იუნესკომ ქართული ხალხური მუსიკალური კულტურა აღიარა „მსოფლიოს არამატერიალური, სულიერი საგანძურის შედეგად“. ქართული ხალხური სასიმღერო შემოქმედება სათავეს იღებს უხსოვარი დროიდან. ძველი წელთაღრიცხვის VIII-IV საუკუნეების ისტორიული წყაროები გვანდის ცნობებს ქართველთა საფერხულო, შრომისა და სამგზავრო სიმღერების შესახებ. იმ შორეულ ეპოქაში იშვა სხვა ჟანრებიც, რაზეც მიგვანიშნებს ჩვენამდე მოღწეული მრავალი სიმღერის არქაული წყობა და წარმართული მინაარსი. სიმღერა ქართველთა ყოფა-ცხოვრებისა და წეს-ჩვეულებების განუყოფელი ნაწილი იყო. მან იმთავითვე ჰყოვა მრავალფუნქციონალური დატვირთვა, რამაც განუზომლად გააფართოვა სასიმღერო ჟანრებისა და ფორმების წრე.



ბელმა მოღვაწეობა. მაშინ გაუბედავად დაიწყო პატარებმა სიმღერა, დღეს კი უკვე ჩამოყალიბებული მომღერლები არიან. ამაში დიდი წვლილი მიუძღვის დალი

მასწავლებელს, რომელიც ათი წლის მანძილზე უანგაროდ ემსახურებოდა ჩვენი შვილების მუსიკალური გემოვნების ჩამოყალიბებას. ჩვენი რაიონი ვალშია დალი მასწავლებელთან“ - აღნიშნა დეკანოზმა ნიკოლოზმა თავის გამოსვლაში. „არის მომენტი, როცა სიტყვები არ გყოფნის, იმიტომ კი არა, რომ სათქმელი არაფერი გაქვს, არამედ იმიტომ, რომ სათქმელი ძალიან ბევრია. დალი ელისაშვილის

წინაშე მთელი დედოფლისწყარო ვალში“ - ამ სიტყვებით დაასრულა საიუბილეო კონცერტი კულტურის სახლის დირექტორმა და ღონისძიების წამყვანმა ცარო მარტიანაშვილმა. დალი ელისაშვილმა მადლობა გადაუხადა დამსწრე საზოგადოებას მობრძანებისთვის და სამადლობელი სიტყვებით და ტაშიც მისთვის ჩვეული მოკრძალებით მიიღო. ის ხომ საოცარი უბრალოებით გამოირჩევა და ცდილობს, უჩუმრა აკეთოს დიდი საქმე პატარა ქალაქში.

ინგა შიოლაშვილი

ბავშვობის გზაგასაყართან

თითქოს სიმბოლურად, მაგრამ მაინც, ასე დაემთხვა, 26 მაისს, საქართველოს დამოუკიდებლობის დღეს, გარდა იმისა, რომ მთელი რაიონი დღესასწაულობდა, ამ დღეს ჩვენს სკოლას, დედოფლისწყაროს N2 საჯარო სკოლის მეთორმეტე კლასელებს, ბოლო ზარის ღონისძიება ჰქონდათ. ყველასთვის, მოსწავლისთვისაც და მასწავლებლისთვისაც ძალიან სევდიანი და ამაღლებელი იყო ეს დღე. ასეთი გახლდათ რეალობა, სკოლის კედლებში თორმეტწლიანი აღზრდის შემდეგ ბავშვები ემშვიდობებიან სკოლას, პედაგოგებს და თავისთან იტოვებდნენ ყველა იმ ლამაზ მოგონებას, რაც ამ ხანასთან ახლავს. არ ვიცი, რატომ, მაგრამ თითოეული მათგანი ჩვენთვის, პედაგოგებისთვის იმდენად ახლობლები იყვნენ, რომ არ გვეთმოზოდნენ, რადგან გვეჯერა, გავგიჟრდება მათთან განშორება. მათ თვალეში კი, უკვე ვხედავდით მონატრებას სკოლის და მასწავლებლების მიმართ. იმისთვის, რომ სევდა გაეფანტათ, ბავშვებმა იუმორს მოუხმეს, წამყვანებმა გული

გონაშვილმა და თამუნა ქოქიაშვილმა ეს ნამდვილად მოახერხეს. მშობლები, პედაგოგები და ბავშვები სევდანარევი ღიმილით ისმენდნენ მათ სიტყვებს, თუ როგორ იხსენებდნენ კლასის კურიოზებს. ცრემლებს ვერ ფარავდა მეთორმეტე კლასის ხელმძღვანელი ნონა ტოკლიკიშვილი, რომელმაც გზა დაულოცა თავის აღზრდილებს. ბავშვებს სიტყვით მიმართა ასევე ქართული ენა-ლიტერატურის პედაგოგმა ლალი პოპიაშვილმა. ეს ბავშვები ხომ სკოლაში გამოირჩეოდნენ ერთმანეთთან განსაკუთრებული მეგობრული დამოკიდებულებით. მათვე მომზადებული ჰქონდათ ვიდეოები და სლაიდები, სადაც ასახული იყო მათი განვლილი წლები. ამ ყველაფერმა მშობლებს და მასწავლებლებს ცრემლი მოჰგვარა თვალზე. ბოლოს, მოსწავლეებს გზა დაულოცა სკოლის დირექტორმა ია ლაპიაშვილმა და გულლიად მიმართა ბავშვებს, მიუხედავად უამრავი საყვედურისა, რომელიც აუტანია მათ გამო, მაინც დიდი სიყვარულით და გულისტკივილით აცილებს მათ სკოლიდან



და ისურვებდა, რომ მალე მიელოცოს მათთვის სტუდენტობა. ბოლოს ყველამ ერთად იმღერა თავიანთი შექმნილი კლასის ჰიმნი, რომელიც იყო იუმორით სავსე, მაგრამ ამ სიმღერამ მაინც მოახერხა ის, რომ მოზიემების ღიმილს სევდა შეერია.

სევდა იმის, რომ დამთავრდა ცხოვრების ყველაზე ლამაზი, უდარდელი ხანა- ბავშვობა და სიხარული იმის, რომ დაიწყო ახალი რეალობა, სადაც მეტი მზადყოფნა და მუდმივი მობილენებაა საჭირო. გზა დაგვილოცია, ბავშვე-

ბო, დაე, მუდამ სიხარულით და წარმატებებით აღსავსე ყოფილიყოს თქვენს მიერ გასავლელი ცხოვრების გზა!

მაია კეტიანი
მეორე საჯარო სკოლის
ორგანიზატორი

„ზაქები“ კვლავ წარმატებულად დაბრუნდნენ

1 ივნისს ქალაქ თბილისში ჩატარდა საქართველოს პირველობა „კუნგფუ - სანდაში“, სადაც საქართველოს მასშტაბით თითქმის ყველა გუნდი იღებდა მონაწილეობას. ამ ტურნირს არ გამოაკლდა ასევე ზემო მაჩხაანის სპორტული გუნდი „ზაქები“, რომელმაც წარმატებით იასპარეზა შეჯიბრზე და საუკეთესო შედეგებით, რვა მედლით დაბრუნდა. „ჩამოვიტანეთ რვა მედალი, მოვიპოვეთ ერთი პირველი, ხუთი მეორე და ორი მესამე ადგილი. პირველ ადგილს

დაეუფლა - სანდრო ნატროშვილი, მეორე ადგილი დაიკავეს - გიგა ნანობაშვილმა, გიორგი ჯანაშვილმა, ლუკა მარტყოფლიშვილმა, გიორგი რევაზიშვილმა, ტატო ნატროშვილმა, მესამე ადგილი მოიპოვეს - გიგა ნატროშვილმა და თამაზ გაბიტაშვილმა. ავადმყოფობის გამო შეჯიბრზე მონაწილეობა ვერ მიიღო გიორგი ნატროშვილმა, რომელიც უმოკლეს დროში მზადებას დაიწყო აზიის პირველობისთვის, რომელიც გაიმართება ირანში. გუნდი მოამზადა კახეთის

„კუნგფუ - სანდას“ გენერალურმა მდივანმა გენადი ნატროშვილმა და მწვრთნელმა გიორგი ფიროსმანაშვილმა. აღნიშნულ ტურნირში მონაწილეობის მისაღებად „ზაქები“ ფინანსურად უზრუნველყო მუნიციპალიტეტის კულტურისა და სპორტის სამსახურმა, რისთვისაც გენადი ნატროშვილი და გიორგი ფიროსმანაშვილი მადლობას უხდებიან რაიონის ხელმძღვანელობას.

ლალი მხერიშვილი



სომხეთის სამუშაო ჯგუფმა დედოფლისწყაროს და საგარეჯოს მუნიციპალიტეტებში განხორციელებული პროექტები მოინახულა



სომხეთის ლორის მარზის სამუშაო ჯგუფმა „Mercy Corps“ გარემოსდაცვითი პროგრამის ფარგლებში დედოფლისწყაროს მუნიციპალიტეტის არნივის ხეობაში მდებარე სახობზე მეურნეობა და საგარეჯოს მუნიციპალიტეტის სოფელ ხაშში მდებარე სეტყვის სანინალმდეგო ბადეების პროექტი მოინახულა, ჯგუფის სტუმრობის მიზანი იყო აღნიშნული პროექტების გაცნობა და რეპლიკაცია. შეგახსენებთ, რომ საერთაშორისო არასამთავრობო ორგანიზაცია „Mercy Corps“-ი და კავკასიის გარემოსდაცვითი ორგანიზაციის ქსელი (CENN)-ის ერთობლივი ძალისხმევით ახორციელებს სამწლიან პროექტს, რომელიც ევროკავშირის მიერა დაფინანსებულია. პროექტი ამიერკავკასიის სამ რეგიონში -საქართველოში, სომხეთსა და აზრე-ბაიჯანში ხორციელდება.



ლალი მხრიშვილი

ხმის მიცემის წესი

თითოეული ამომრჩეველი ხმს აძლევს პირად და უშუალოდ ხმის მიცემა სხვა პირის ნაცვალად.

აუცილებლად იქონიეთ პირადობის მოწმობა ან საქართველოს მოქალაქის პასპორტი (იძულებითი გადაადგილებული პირის შემთხვევაში - დენილის მოწმობაც).

დაუშვებელია პირადობის დამადასტურებელი საბუთის წარდგენის გარეშე საარჩევნო ბიულეტენის გაცემა. კენჭისყრის ოთახში შესვლაზე, სპეციალური ხელსაწყოთი შეგიომწმებენ ალგენიშებათ თუ არა ხელის თითზე მარკირება.

თუ არ ალგენიშებათ, თქვენ გეძლევათ უფლება მიიღოთ კენჭისყრაში მონაწილეობა. თუ გამოვლინდა, რომ უკვე ხართ მარკირებული, აგეკრძალებათ კენჭისყრაში მონაწილეობა. ასეთ შემთხვევაში თქვენს წინააღმდეგ გამოყენებული იქნება კანონით გათვალისწინებული ზომები.

მარკირების შემთხვევების პროცედურის წარმატებით გავლის შემდეგ, თქვენ მიიღებთ იმ საარჩევნო ბიულეტენს, რომელსაც მიუკუთვნებთ ამომრჩეველთა სიაში თქვენი გვარის პირველი ასო და რეგისტრაციის ნაწილს (ან საქართველოს მოქალაქის პირადობის მოწმობას).

რეგისტრაციის ამომრჩეველთა სიაში ყოფნის დადასტურების შემთხვევაში თვალთ უხილავი სითხით გაგეკეთებთ მარკირებას. რის

შემდეგაც რეგისტრაციის ამომრჩეველთა სიაში თქვენს პირად ნომერს შეიტანს. თქვენ გადმოგიცემთ ორი სახის საარჩევნო ბიულეტენს: ერთი პროპორციული და ერთი მაჟორიტარული საარჩევნო სისტემის არჩევნებისთვის. თბილისში დამატებით მესამე - მერის არჩევნებისათვის.

საარჩევნო ბიულეტენების მიღებას ამომრჩეველთა სიაში ხელმოწერით დადასტურებთ. საარჩევნო ბიულეტენების გაცემისას რეგისტრატორმა ხელი უნდა მოახერხოს ბიულეტენის უკანა გვერდზე სათანადო გრაფაში და დაუსვას სპეციალური ბეჭედი; ამის შემდეგ თქვენ შეიძლება ფარული კენჭისყრის კაბინაში და გააკეთებთ თქვენს არჩევანს ბიულეტენში სასურველი კანდიდატის რიგითი ნომრის შემოხაზვით. დაუშვებელია ერთდროულად ერთზე მეტი ამომრჩეველის შესვლა ფარული კენჭისყრის კაბინაში.

ბიულეტენი ისე უნდა დაკეცოთ რომ არ ჩანდეს, ვის მიეცით ხმა; დაკეცილი ბიულეტენით მიიღებთ განცალკევებით მდგარ მაგიდასთან, საიდანაც დამოუკიდებლად იღებთ სპეციალურ კონვერტს და მასში ათავსებთ ბიულეტენებს. აღნიშნულ კონვერტს ავადებთ საარჩევნო ყუთში, სადაც ერთდროულად ერთზე მეტი ამომრჩეველის მისვლა არ შეიძლება. კონვერტის საარჩევნო ყუთში ჩადების მერე თქვენ დაუყოვნებლოდ უნდა დატოვოთ საარჩევნო უბანი.

თუ თქვენ არ შეგიძლიათ ბიულეტენის დამოუკიდებლად შეგვება, უფლება გაქვთ, დახმარებისთვის მიმართოთ ნებისმიერ სხვა,

თქვენთვის სასურველ პირს, გარდა კომისიის წევრებისა. საარჩევნო სუბიექტების წარმომადგენლების, კანდიდატისა და დამკვირვებლებისა. თუ საარჩევნო ბიულეტენი გაგიფუჭდათ, ამის შესახებ უნდა აცნობოთ კომისიის თავმჯდომარეს, რომლის დაგალებით, რეგისტრაციის ვალდებულება, შეგიცვალოთ გაფუჭებული ბიულეტენი ახლით.

კენჭისყრის დღეს კენჭისყრის შენობაში მისვლის შეუძლებლობისას შეგიძლიათ არჩევანი გააკეთოთ გადასატანი ყუთის მეშვეობით.

- საქართველოს მოქალაქის პირადობის მოწმობის ან პასპორტის წარდგენის გარეშე კენჭისყრაში მონაწილეობა აკრძალულია;
- სხვის ნაცვალად ამომრჩეველთა სიაში ხელმოწერა, ბიულეტენების მიღება და ხმის მიცემა დაუშვებელია;
- არავის აქვს უფლება, თქვენი თხოვნის გარეშე, იმყოფებოდეს ფარული კენჭისყრის კაბინაში ან თქვენს ნაცვალად შეავსოს ბიულეტენები;
- მხოლოდ თქვენ გაქვთ უფლება, საარჩევნო ბიულეტენები მოათავსოთ სპეციალურ კონვერტში, დაუშვებელია საარჩევნო კომისიის წევრის მიერ შევსებული საარჩევნო ბიულეტენების გახსნა ან კენჭისყრის ფარულობის სხვაგვარი დარღვევა;
- კენჭისყრა ფარულია;

ვერაინ გაიგებს ვის მიეცით ხმა;

- საარჩევნო ბიულეტენზე რეგისტრატორმა თქვენს თვალწინ უნდა მოახერხოს ხელი და დაუსვას ბეჭედი. თუ ბიულეტენზე არ აღმოჩნდება ბეჭედი და ხელმოწერა, ასეთი ბიულეტენი ბათილად გამოცხადდება და თქვენი ხმა არ იქნება გათვალისწინებული შედეგების შეჯამებისას;
- კენჭისყრაში მონაწილეობის მიღების შემდეგ, თქვენ არ შეგიძლიათ იმავე ან სხვა საარჩევნო უბანში ხელახლა მიიღოთ მონაწილეობა არჩევნებში.
- აკრძალულია საარჩევნო ბიულეტენის და კონვერტის საარჩევნო უბნიდან გატანა
- აკრძალულია ნებისმიერი ზემოქმედება, რომელიც ზღუდავს თქვენი ნების თავისუფალ გამოვლენას.



იყიდება!

იყიდება ბინა საავადმყოფოსთან, ბამის ხუთსართულიან კორპუსში, III სართული, I სადარბაზო, ბინა 49. ბინა არის ორთახიანი, რემონტით, კომფორტით - ორი აივანი, ლოჯიით, საძინებელი და სასაბუნო, იყიდება ავეჯით. ავეჯის გაყიდვა შესაძლებელია ცალკეც. ფასი შეთანხმებით. მსურველებმა დარეკეთ შემდეგ ნომერებზე:

597 18 69 87, 557 65 94 85. იკითხეთ ლალი ჩეკურიშვილი.

ყურადღება!

მესაჭიროება დამხმარე ახალგაზრდა ქალი ოჯახში. მსურველებმა დარეკეთ შემდეგ ნომერზე 571 20 55 22.

სამუშაო განათვალისწინებს მასაჟის კაბინაში

გინვეთ განათვალისწინებულ პროცედურებზე. აქ შეგიძლიათ ჩაიტაროთ მკურნალობა ოსტეოქონდროზზე, ინსულტის შემდგომი სარეაბილიტაციო მასაჟი, ასევე, საბავშვო, თაფლის, ანტიცელულიტური, ვაკუუმური, ნონის კორექციისა და გამაახალგაზრდავებელი მასაჟები. ასევე შეგიძლიათ ყურის გახერხვა უმტკივნეულოდ, პისტოლეტით.

ქ. დედოფლისწყარო, რუსთაველის ქუჩა №55 ან დაგვირეკეთ ტელ: 593 13 40 56



ამინდი		დედოფლისწყარო	
ორშაბათი 09.06	საშაბათი 10.06	ოთხშაბათი 11.06	ხუთშაბათი 12.06
დღე ღამე	დღე ღამე	დღე ღამე	დღე ღამე
23°	23°	22°	16°
21°	19°	22°	15°
18°	17°	24°	21°
16°	15°	18°	17°